

Զմիւռնայի բանուկ հրապարակին վրայ ալ այդ միջոցներուն կը փայլէին հինաւուրց Պալեօղեանք, Եսայեանք, Սպարթալեանք, Վարպետեանք, Էքիզլէր եղբարք, Պաքըրճեանք և այլք ոմանք, որոց շատերն ե՛ւ հարստութեամբ ե՛ւ գործունէութեամբ հաւասարեցան Կ. Պոլիսի մեծ հայ վաճառականներուն :

Պրուսայի մէջ՝ հանդարտ ու տեղական զուարթ գործունէութեամբ բարգաւաճեցան Պոտուրեանք, Պալապան եղբարք, Թէոսեանք, Արապեանք, Ֆնտըքեանք և այլք, որոց գործունէութեանց մեծ մղում կուտար Պրուսայի և չրջակայից խողակի գործը :

Իսկ Ադրիանուպոլիսի մէջ՝ Անանիա Պօղոսիկ, Աստարճեան, Յարութիւն Յովհաննէսեան, որ բռնած էին մասամբ Բումէլիյի ադրիանական մասին վաճառականութիւնը :

Տրապիզոնի մէջ նշանաւոր էր՝ քանի մը յոյն եւ թուրք վաճառականներու հետ՝ Արապեան տունը, Եիւնեայի մէջ՝ Մութաֆեան, Վառնայի և Ռուսճուքի մէջ՝ Յովասափեան և Նաշիտ Աստուածատուրեան, որ կտակեց 1000 օսմ. ոսկի բարեգործական հաստատութեանց :

Իսկ Սոֆիայի, Յիւլիպէյի, Սելանիկի, Պապա տաղի, Մանաստրիի և Բումէլիյի միւս գլխաւոր շահաստաններուն մէջ՝ մեծ վաճառականութիւնը գրեթէ միշտ գտնուած է մեծ մասով թուրքաց, յունաց, պուլղարաց և հրէից ձեռքը, երկրորդական փոքր վաճառողութենէն մասնիկ մը միայն ըլլալով գաղթեալ հայերուն ձեռք :

Ռումանիայի՝ մանաւանդ Քէօսթէնճէյի՝ մէջ վերջերն յաջողապէս փայլած են քանի մը Հայեր, Յրէնկեանք ու Մանիսալեանք՝ մանաւանդ ցորենի մեծկակ գործերով :

Գլխաւոր այս շահաստաններէն զատ՝ թուրքահայ վաճառականք գործած են երկրորդապէս դարձեալ Նի-